

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 39. stav (3) i 52. stav (1) i (3) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva zdravstva, Vlada Zeničko-dobojskog kantona, na 116. sjednici, održanoj 06.02.2026. godine, donosi

ODLUKU

o usvajanju Programa utroška sredstava Ministarstva zdravstva na poziciji „Transfer drugim nivoima vlasti“- „Tekući transfer za Kantonalni zavod za medicinu rada i sportsku medicinu-zdravstvena zaštita sportaša“ - izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 – „Tekući transferi drugim nivoima vlasti“, subanalitika LAX011, pozicija „Tekući transfer za Kantonalni zavod za medicinu rada i sportsku medicinu-zdravstvena zaštita sportaša” - izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u ukupnom godišnjem iznosu od 300.000,00 KM (slovima: tristotinehiljada konvertibilnih maraka), koji čini sastavni dio ove odluke.

Član 2.

(Način realizacija sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-2387/26

Datum, 06.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M
utroška sredstava Ministarstva zdravstva na poziciji „Transfer drugim nivoima vlasti“-
„Tekući transfer za Kantonalni zavod za medicinu rada i sportsku medicinu-
zdravstvena zaštita sportaša“-Izvor 10
Budžeta Zeničko-dobojskog kantona za 2026. godinu

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2026. godinu u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX011, pozicija „Tekući transfer za Kantonalni zavod za medicinu rada i sportsku medicinu-zdravstvena zaštita sportaša“-Izvor 10.

II. SVRHA PROGRAMA

JU Zavod za medicinu rada i sportsku medicinu Zeničko-dobojskog kantona obavlja proširenu djelatnost, odnosno vrši i zdravstvenu zaštitu sportista u skladu sa Zakonom o zdravstvenoj zaštiti („Službene novine Federacije BiH“, broj: 46/10 i 75/13) i Odlukom o preuzimanju prava i obaveza osnivača i usklađivanju organizacije i poslovanja Javne ustanove Kantonalni zavod za medicinu rada („Službene novine Zeničko-dobojskog kantona“, broj:11/12).

Finansiranje specifične zdravstvene zaštite sportista regulisano je na način da se 70% sredstava obezbjeđuje u Finansijskom planu Zavoda zdravstvenog osiguranje Zeničko-dobojskog kantona, a 30% u Budžetu Zeničko-dobojskog kantona u skladu sa članom 60. Odluke o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova („Službene novine Zeničko-dobojskog kantona“ br. 19/19).

Planiranim sredstvima iz Budžeta Zeničko-dobojskog kantona za 2026. godinu bit će sufinansirana implementacija projekata pod nazivom „Očuvanje zdravlja sportista amatera na području Zeničko-dobojskog kantona putem redovnih sistematskih pregleda“.

III. VISINA SREDSTAVA

Sredstava utvrđena ovim programom iznose na godišnjem nivou 300.000,00 KM (slovima: tristotinehiljada konvertibilnih maraka).

IV. IZVORI SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (izvor 10) Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX011, pozicija „Tekući transfer za Kantonalni zavod za medicinu rada i sportsku medicinu-zdravstvena zaštita sportaša“.

V. KORISNIK SREDSTAVA

Krajnji korisnik Programa je JU Zavod za medicinu rada i sportsku medicinu Zeničko-dobojskog kantona, čiji je osnivač Vlada Zeničko-dobojskog kantona, koja u skladu sa Zakonom o zdravstvenoj zaštiti obavlja proširenu djelatnost, odnosno vrši i zdravstvenu zaštitu sportista.

VI. KRITERIJ ZA RASPODJELU SREDSTAVA

Kriteriji raspodjele sredstava je Program utroška sredstava planiranih u Budžetu Zeničko-dobojskog kantona za 2026. godinu koji je JU Zavod za medicinu rada i sportsku medicinu Zeničko-dobojskog kantona dostavila Ministarstvu zdravstva svojim dopisom broj: 400/26 od 23.01.2026. godine.

Transferisanje sredstava JU Zavod za medicinu rada i sportsku medicinu Zeničko-dobojskog kantona vršit će se u skladu sa odlukom Vlade Zeničko-dobojskog kantona o odobravanju sredstava.

Za transferisanje sredstava korisniku ovog programa zadužuju se Ministarstvo zdravstva i Ministarstvo finansija, svako u okviru svoje nadležnosti.

VII. IZVJEŠTAVANJE KORISNIKA

JU Zavod za medicinu rada i sportsku medicinu Zeničko-dobojskog kantona dužna je izvijestiti Ministarstvo zdravstva o namjenskom utrošku sredstava na način kako će biti određeno odlukom o odobravanju sredstava uz dostavljanje izvještaja o realizaciji programa u kojem je obavezno navođenje postignutih učinaka dodjeljenih sredstava sa prezentiranim mjerljivim pokazateljima (indikatorima).

VIII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 52. stav (4) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 24/25) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-2387/26

Datum, 06.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.